



□ 9
4186
5



知世事自叙

欲知世事。當察人情。今人情薄劣。變幻百出。惟知利己。不顧損人。所以奸狡詐騙。欺侮刻毒。無所不為。吾安可不知其情哉。知人情之有此。而已情亦所不無。不知人之事情。則有害於己。不知己之事情。既無長

自叙

元

昭和42年12月12日寄
和田大作氏贈

門口9
號4186
卷5

厚之事。必無長厚之報。雖有害於人。實有害於已。是皆俗習薰陶。利欲蔽錮。未明乎中正之理。又有事語輕忽。而不知慎者。害亦有也。予童子時。侍教父師。獲聞緒論。畧知趨向。及長而涉世多年。目覩境界。乃將世事多端。或出愚拙之見。或述父師之訓。

知人之事情。而預防之。知已之事情。而預防之。文且事加謹慎。俱以淺言演出。撰成一書。卽名之曰。知世事。篇篇語語。總不越乎尋常日用之間。猶如布帛菽粟。雖非錦繡珍饈之可比。至若禦寒止饑。則人人未可少也。大抵聖賢所著。言微旨奧。非小乘

人所能知。不若以淺近之言。顯明易入之
爲得。因傳於世也。世事既知。果能身體力
行。不但人已之害盡除。抑且大利於已。又
利於人。共享安樂之福。乃知予之淺言。原
通乎至理。誰謂下學。而非上達之發軔也
哉。天基石成金俗撰。

知世事新言

揚州石成金天基俗撰

人生天地間。凡行事說話。俱要從厚。若能依得這厚
字。定有大福大壽。欲學厚法。先從容忍上學起。卽
如明知人之詐僞。我却不說破他。亦不現於顏色。
明知人之欺侮。我只忍耐他。亦不發於語言。所謂
覺人之詐而不形於言。受人之侮而不動於色。彼
時雖覺愚懦。此中却有受用。

人行事說話。先存心爲自己想一想。再存心替他人想一想。假如這件事行出來。這句話說出來。自己有利他人也有利。方就行就說。卽或有利於己。無損於人。亦可行可說。若只謀利己不顧損人。切莫恣爲。如竟爲之。明處縱能討得便宜。暗裡必受虧折。豈不是徒壞心機。枉用計謀耶。

不多事。不多言。此二句六個字。人能學得。卽是安分守己。一生就享許多快活。討許多便宜。

見人壁上貼的詩文字畫。並人做的詩文字畫。其中或有訛錯不是處。或有淺俗不通處。都要包涵胸內。寬諒其人之未學。切不可顯自己有聰明才學。替人改政。亦不可當面說出。辨駁是非。要知今人性情。凡事喜人奉承說好。喜人稱讚說妙。倘若說他不好。心裡就慚愧怨恨。卽我之才學極高。設有人來虛心下氣。求教於我。雖有不是處。還當包容宛轉。何況彼人。並未求教。何必自討人之怨恨厭

惡。至於聽人說一切新話舊話。并收的往來柬帖書啓。俱同此一椽包容。總合得人情。

聽人說話。不論古事今事。舊話新話。我雖是已經聽過知道的。也只聽着。不可倚着自己知道了。便截斷他的說話。要知彼說者。一團高興。若被我阻遏。未免慚愧。如當人衆。更須切戒。

善人原該做善事。原該行。奈目今人情薄惡。我爲善人。則人以我爲懦弱。可欺。事事搜尋我。騙詐我。謀

算我。若話說得好。人善被人欺。馬善被人騎。然則善不爲而爲惡乎。予有拙法。我凡事檢點。並不去損人害人。但人來欺我詐我者。我先讓他避他。再或不止者。我便不可輕易恕他。揆之天理。亦不爲過。至遇良善好人。須要加倍敬奉。所謂遇文王而施禮樂。逢桀紂而動干戈。如此涉世。庶乎可矣。今人說快意話。做快意事。都用盡心機。做到十分盡情。一些不留餘地。一毫不肯讓人。方纔燥脾。方纔

如意。昔人云。話不可說盡。事不可做盡。莫扯滿篷。風常留轉身地。弓太滿則折。月太滿則缺。可悟也。吃葷人歸罪與殺生人。曰。你不殺死了。我也不去尋吃。因你殺現成。我纔吃的。與我何罪。其殺生人。又歸罪與吃葷人。曰。你不吃葷。我也不去殺生。因你好吃葷。我纔以殺生爲業的。殺生全是因你。與我何罪。以予論斷。二人之罪業相等。要知因吃所以纔殺。不吃則不殺矣。因殺所以纔吃。不吃則不殺。

矣。然其中吃者之罪。尤加殺者一等。多吃則多殺。少吃則少殺。不吃則不殺矣。如或不信。請看世上。猶鼠無人喜吃。人何曾取而殺之乎。

世人每謂家中不可殺生。只向市買現物。可免罪過。請問市上生命。豈俱不殺卽有乎。此真可謂掩耳盜鈴。日用如不能戒葷者。惟在少用漸除爲佳。

六壬奇門。星命卜筮。以及天文堪輿等術。其書最多。其理極微。欲學此等事。雖用盡心思。亦不能精妙。

除非大聰明人。纔得透徹。予父維石公。專喜此數事。藏書若干。奈予生性愚昧。讀各書彼此互異。俱不能解。諸術內予父於周易課法。尤爲奇驗。求古者多。因將卜筮全書。易隱易冒。斷易天機。課徑諸書。授予再四。而予隨讀隨忘。惟予意謂世人精此數事。無非欲諸事可以預知。吉凶可以趨避。要知人能趨避之吉凶。原不是真吉真凶。若真正吉凶。世人焉能趨避耶。獨有人之善惡。可以轉變天數。

前人云。但須行好事。不必問前程。予敬服此語。算命起課。以及僧道之齋醮。古來原有此法。今人能得真傳者甚少。所以驗與不驗相半。予雖一槩不信。若有他人信之者。亦不可動加毀謗。要知世間賴此數事。以求衣食者甚多。况皆貧瞽方外之流。何必破其生計。以取怨恨耶。

相法不可不學。相書不可不看。人若能知相法。則人之貴賤貧富。壽夭窮通。一見卽知。昔人謂識相便

輕人。蓋人之相貌好處少而不好處多。世人億萬其大富大貴。能有幾人。但相貌好與不好。只可自存胸中。不可動加評論。說人之某處生得好。某處生得不好。招人厭惡。要知今人性情。說他好處就歡喜。說他不好處就不歡喜。或者只說人之好處。其不好處。隱而不說。庶乎可矣。

人但行事刻薄。說話尖利。不是短命。就是貧賤。何也。要知原來之福壽。都被其剝削盡了。

自天子以至於庶人。無一人無職事者。身居四民之中。若一無所事。坐享衣食。是天地之耗蠹。民生之蠹賊也。俗云。成人不自在。自在不成人。要知治家涉世。勤是第一件。蓋勤則一家之人。不至於懶惰廢業。而無遊手閒食之人。卽如當家主公主母。每日清晨早起。先盡其家長之職。以率其男女子。令各勉其卑幼之職。又率其內外婢僕。令各供其力役之職。凡男子則耕讀工賈。婦女則紡織針指。

無分貴賤。各竭其力。則既可以成人。亦可以成家。況且人若間居。非有正見者。則嫖賭不義之事。相率而爲。今勤治生業。則非爲妄想。無自而生。是勤之益人大矣。

勤必要儉。蓋儉之一法。不是專在鄙吝。先要總計我一家之中。人口若干。每歲衣食用度需費若干。因而制財用之經營。量入爲出。一切吉凶之費。皆有限制。又須常留盈餘。以備不時意外之需。至於房

屋舟車。飲食衣服。器物交接。俱從儉朴。不可矜勝爭強。凡一切無益之用度。不急之煩費。都從減省。自家儉朴。只須自家儉朴。不可勉學富貴人家行事。如此則可免缺乏難繼而求人。

勤儉兩件。猶夫陰陽表裏。缺一不可。勤而不儉。譬如漏卮。雖滿積而亦無所存。儉而不勤。譬如石田。雖謹守而亦無所獲。須知勤必要儉。儉必要勤。予堂門書前人聯句云。勤儉持盈久。謙恭受益多。可爲

至語。時當整頓。

一切世事。俱要儉朴誠實。不可習學浮華。益浮華雖光耀於一時。究無益於實事。卽如男婚女嫁。理當稱家有無。隨分厚薄。原無一定不易之例。予見世俗通病。務求飾觀。卽新人彩轎。燈旗鼓樂。極其奢華。少不精美。則不稱意。以致竭盡財力。甚至借貸典賣。虛裝體面。及至事畢之後。常有貧難度日者。試想只爲一時之虛文。反損害於生計。卽使盡有

實濟。在本家先已困乏。日後何能再行別項禮節。而源源不竭乎。予又見女子。自矜嫁貲之厚。驕慢其夫。其夫不能屈之。竟有終身唯唯從命者。可見厚嫁之貲。反爲傷倫害義之物矣。且士庶之家。財產易盡。固當善留餘地。卽官宦之家。所入俸祿。亦是有限之民膏。若非做貪官。作罪孽。安得如許之金錢。而供其靡費乎。大抵人之敗名壞行。罹災得禍。都由於用度過奢之所致。凡事皆然。不獨嫁娶

一事而已。

俗云。當家不得不儉。待客不得不豐。要知人生在世。既不能絕人離俗。未免有親戚故舊。來往通情。必須禮貌相待。施報得宜。凡事雖從朴實。却要件件週到。致其敬誠。則人人無不敬悅矣。若相待過於苟減。則人皆鄙笑。何以做人。

人之應世。只在說話行事兩件。予謂事之關於說話者甚多。語若說得好。人也和合得。事也成就得。話

若說得不好。非獨取人厭惡。而且招災惹禍。皆由於此。予將言之不可者。謔成八句。令人謹佩。大有利益也。一不可信口多言。二不可厲色高聲。三不可訴窮訴苦。四不可誇富誇能。五不可說人過失。六不可笑人醜形。七不可奪人言語。八不可杜撰歪文。人能守此八句。卽討許多便宜。有許多快樂。予恐每一句。其義未詳。所以又另註八條於後。凡向人說話。先要自己心裡想一想。該說的總說不

該說的就莫說。該說的卽如勸人爲善。解人爭鬪。慰人憂愁。省人迷誤之類。不該說的卽如助人爲惡。搬人是非。笑人有無。起人事端之類。大抵言要減少。老子曰。多言多敗。前人云。貴人少語。貧子話多。凡言語若多。未有不錯亂招尤者。雖有極好良言。說話時。若厲色高聲。在聽話之人亦不歡喜。何況所說者。盡非順意之言乎。無論向賢愚貴賤說話。俱要溫和低婉。聽者自必喜悅。

所處境界貧苦。以及自己艱難冤屈之事。俱不可頻頻訴說。聽之者。雖當面空爲嗟歎。其實並未入耳。究竟於事無益。若果其人有濟者。總可告訴。我有才能。我有富貴。人雖稱贊。亦當謙讓不遑。爭每見有等人。大言不慚。誇張自己才能。以及富貴奢華。喋喋不休。豈不貽笑大方。且令不如者聽之愧恨。又有平常小事。辦置得宜。便到處賣弄。鄙淺甚矣。有麝自然香。何必當風立。豈須如此耶。

天下之事。本來易敗而難成。天下之境。本來逆多而順少。或運蹇時乖。所行拂亂。或偶然錯誤。改悔無及。行路艱難。古今同慨。予每見有種不近人情之人。徃徃身立局外。信口談笑。或曰。如此顛倒不好。或曰。如此貧賤無能。試問其生平。果能保全終身。富貴安康而無失陷乎。要知天運循環。幾年一轉。前路黑暗。誰能預必。有先貧後富。先貴後賤。妻子壽筭。有此少彼之類。不可勝數。可見貧乃士之常。

多有隔幾時而貴賤存亡不定者。何可以此而談笑哉。人非聖賢。誰能無過。惟貴能改耳。多有朝爲非而暮遷善者。何可以此而談笑哉。至於他人過惡壞事。卽與我有隙者。尚當包容。何況與我並無干涉之人。因一時口舌之快。卽盡揭其人之生平短處。甚至虛空架謊。極意裝點。如同目且。陷人於不仁不義。隔牆都有耳。窗外豈無人。傳聞於彼。無隙者種怨。有隙者。愈加讐恨不解。何苦如此。是以

善涉世者。只說人之好處。能處其壞處。短處。雖見聞真確。亦默而不言。此隱惡揚善之法。不獨利人。又且利己也。

前人云。福在醜人邊。又云。紅顏多薄命。予每見大富大貴之人。相貌標緻者少。而醜怪者多。其貧賤庸常之人。儘有面目整齊者。是以君子不以形貌取人也。況且人之形體。本無可恃。疲癯殘疾。皆一生難保之事。美目可盲。捷足可折。天災人病。俱不可

知。由此觀之。自愛不暇。何敢說人笑人耶。更有聾聵。瞽。痴。啞之類。萬般苦惱。就是現在地獄。總因前世不修。所以今生受此果報。見之者。當生憐憫。惻隱之心。自加警惕。而不違。何忍說人笑人耶。又有一等人。好題人渾名。編人歌謠。摩寫醋食。堪爲絕倒。輕薄口過。莫甚於此。笑人者。每不如人。是亦報應昭然耳。予曾撰笑得好書一部。笑人性情。笑人過惡。且備講笑趣。獨於形體虧缺之人。不但不笑。且

又諄諄致戒也。

聽人說話待他說完了自己再說不可從中間斷奪人語言惹人嫌惡。

不知文者說話不防愚直不可勉強亂譎歪文豈不爲識者暗中譏笑若扯唐入漢有頭無尾更取人之鄙賤。

禍福在天地間取之無禁用之不竭尊待世人自召耳召致之道只在存心說話行事三件。

欲求富貴者在乎立志欲求福壽者在乎存心一切術數之說不足憑而不足計也。

士君子心存利濟或力不從心惟常存善念廣行方便遇人急難處出一言解救之遇人痴迷處出一言開導之遇可着力處不惜挺身趨救之立心制行無非陰騭爲念是亦種德也

我以厚待人人以薄待我非薄也我厚之未至也我以禮待人人以虐加我非虐也我禮之未至

也。彼何罪耶。然則厚矣。禮矣。彼復薄虐者。乃我命也。彼何罪耶。是以君子不怨天。不尤人。

貴人之前莫言窮。彼將謂我求其薦矣。富人之前莫言貧。彼將謂我求其濟矣。蓋窮也。貧也。皆命也。非可告人而卽得富貴者也。至於富貴人。又不可誇張富貴以驕人。令聽者或增慚愧。或暗譏笑。無益而有損也。是以無論貴賤貧富。若於群聚之中。惟淡然漠然。總付之謹默而已。

言語不慎。最爲禍胎。昔人每因私語而受大禍。予謂不獨顯言之當慎也。欲發一言。必先慮前顧後。雖背地之語。亦須當面可立者。方可出口。若事當避諱。總不如不言之爲妙也。前人云。飽諳世事。休開口。會盡人情。暗點頭。可見頭若明點。尚恐惹事。況其餘乎。又云。病從口入。禍從口出。萬言萬當。不如一默。真萬世之藥石也。

有等人。恃有口才。每每題人綽號。捏人歌謠。最當切

戒。蓋一出其口。則好事者必傳爲美談。爲人終身之玷。其怨恨當何如哉。彼亦將極口譏訕。以爲報復矣。豈非自損。又有發人陰私短處。害亦同此。朋友居五倫之一。凡問道解惑。理劇分憂。非友無以濟之。固不可一日無也。須要選其賢者。與之交生。則德業相助。過失相規。真有益矣。若交匪人口。流汗下。眩吾耳目。蕩吾心志。姦盜邪淫。無所不至。身家因而敗壞。諺云。近硃者赤。近墨者黑。慎之哉。

衣帽無論華儉。但整潔則起人敬重。須要時加愛惜。有破卽補。有污卽洗。凡外穿衣套。晚間須折疊櫃內。不可搭放衣架。恐鼠咬塵污。近身襖褂。每晚脫時。須放床裡一定便處。恐夜間猛然火盜諸急事。黑暗中隨取隨穿。不煩尋覓。憶昔年某夜間。隣人火驚。予一知覺。衣服卽已穿齊。而家人因事急心慌。尚在覓衣。可見衣當放於定處也。

煖帽惹蛙。須伏天烈日下。反覆晒幾日。無論涼帽煖

帽。每日不載時。隨卽收入帽盒。自然纓色經久。

每日穿衣時。先提起領來。抖兩三抖。恐有一切蛛虫蚤蟻。遊住於內。夏月更甚。

鞋須兩三雙。隔幾日輪換穿晒。凡晒時以鞋底向天。晒極乾。要知鞋底濕。則易爛易壞。

人之有過。苦不自知。惟傍人視之甚明。必須虛已下問。始得聞而改悔。若或不喜規諫。人莫我告。必至潰敗而不可收拾。後雖知而悔之。亦無及矣。是以

貴莫貴於求過。病莫病於悞諫。

人生世間一藝一能。必有所長。若恃我之長而矜已。庇物鮮不敗矣。譬如善訟者。恃已之能。人莫敢與敵。然而常繫縲紲。何也。蓋因自恃其能。而每欲訟人。卒受訟困。試觀愚懦之夫。退步讓人者。曾有是辱乎。孔子曰。聰明睿智。守之以愚。勇力振世。守之以怯。請事斯語。辱其免矣。

凡見貧賤之人。不宜倨慢。當益謙和。我以禮待之。則

彼雖貧賤亦當屈服於禮。我一倨慢則小人蓄怨於心。必借端生釁。而我反受其毒。何如我以禮待之。語云。勿輕小物。小虫毒身。勿輕小事。小隙沉舟。能善御小人者。然後能爲大人。

小人之量。如針眼不能容物。心如棘刺常欲害人。只須以仁禮待之。以大度涵之。可遠則遠。豈可較哉。凡遇宴賓客。會親友。若不能一槩斷絕葷腥。亦當量情漸除。假如五六餚。則三四葷。二三蔬。要知添一

蔬。則可省一葷。省一葷。則可少殺許多生命。雖稍覺慢客。而亦爲客惜福。究竟客亦未嘗不飽。至遇飛禽走獸。魚鼈虫蟻等類。俱體天地好生之德。隨方救護。漸養慈心。則滿腔渾是生機。種福無涯矣。幼而不肯事長。賤而不肯事貴。愚而不肯事賢。此是人之三不祥也。總是一傲字爲害。世人先除去傲性。纔得成事。

凡有望於人者。必先思己之所施。凡有望於天者。必

先思已之所作。可見凡事只反諸已。有種必收理。本如此諺云。在家不會留賓客。出外方知少主人。亦是此意。

人生在世。須做一事業。切不可太閒。若太閒。則身無所事。而必入於嫖賭非爲之事矣。昔人云。一日不可無常業。安閒便易起邪心。凡間居無事。或涉獵書史。以廣才學。或留心本業。以全生理。庶不虛度光陰。可免偷生之誚。但不可過於勞苦耳。

婦女性情。每喜寺院燒香。以修善作福。殊不知葢觀寺廟。乃僧道藏集之地。衆目共睹。且輕薄子弟。專於此等去處。窺探調笑。譏刺品題。如蛾如狂。甚至遊刮惡少。群聚擁擠。凌犯戲謔。無所不至。此時隱忍受辱。猶如落牙自嚙。若不出閨門。豈有此辱乎。要知婦女好處。全在於孝公姑。敬丈夫。勤女工。中饋。教子恤婢。此幾件。便是修善作福。如不學好。雖日日燒香禮拜。神佛亦不能免罪矣。凡有婦女。

者。爲父母夫男。先須諄講此理。

世人動喜妄交異姓兄妹。甚有朋友俱不分內外。要知男女有別。人之大倫。雖是至親。尚常趨避。禮云男女授受不親。豈有異姓之人。竟相往來乎。所謂遠間親。淫破義。其不至於敗常亂德者。十無一二。可不切戒。有拜乾兒乾娘。認疎遠親族。俱亦同此。遇盛喜中。不可濫許人事物。遇盛怒中。不可輕與人書柬。蓋喜時之言多失信。怒時之言多失體。而不

恭也。言語書柬。俱當謹慎。

以有限之身。而創無窮之業。愚也。以尋常之人。而作奇異之事。怪也。以生生之心。而下戕殺之手。狠也。此三者。予所不能爲。不敢爲。不忍爲。

要做長命人。莫做短命事。要做有後人。莫做無後事。凡人做事。切莫自與願。欲相反。

心已知其小人險惡。亦不可驟與疎遠。譬如醫重病。須緩緩用藥。倘投猛劑。恐病未去。而氣血反傷矣。

世俗爲兒女結姻。惟以房屋田園車馬奴婢衣飾之盛。則締之。雖來自殺人劫奪。不仁不義。俱置不問。豈非大錯。

世俗諂事神佛。經懺齋醮。修建菴觀。堅意極誠。不知自問。夫錢財從何處得來。欲以此而求神佛默佑。予恐未必然也。

揚城五方雜處。遊手好閒。而無生業者甚多。惟其無業。所以終日局誘良家子弟淫賭。又或黨告誑詞。

害人。機械變詐。無所不至。總之弱肉強食。惟江右工賈絕無一人鬪毆爭訟者。蓋江右人人讀書。讀書不成。則遊學。以至百工手藝。無不知書。故能安貧安分。若揚民習以爲法。便是好世界。

遇富貴人。不可訴自己的貧賤。恐彼疑我之有求也。遇貧賤人。不可誇自己的富貴。恐彼疑我之驕人。也要知貧富貴賤。俱不可自言。至於文人前。不可說愚話。愚人前。不可說文話。都要簡點。

值人私語時不可傾耳竊聽。入人私室內不可側目
窺望。人之箱櫃亦不可擅開。人之書集柬帖亦不
可展看。所爲者恐犯其人之疑忌。失漏而生端也。
一切事物。凡衆人所爭者不可輕取。衆人所共者不
可獨據。怨議既多必招其害。

昔人謂少色慾以養精。少言語以養氣。少思慮以養
神。此保養精氣神之至言。卽修身之妙訣也。至於
人若多言。不獨損氣。且更招尤。予又贅增曰。節飲

食以養胃。節勞苦以養力。節費用以養財。

目今涉世妙法。惟要稱人之善。不稱人之惡。和顏悅
色。下氣低聲。與人恭而有禮。總可以合得時好。總
可以免得時忌。

有子要擇婦。有女要擇婿。先須量其子女之性情體
貌。年歲家世可否相等。不甚過於高下者。卽可爲
配。假如子本醜陋痴愚。竟設計誘娶美好之婦。非
獨情誼不和。或生意外壞事。俱不能免。男女同然。

是以嫁娶非偶者。總皆父母之過也。至於媒人媒字與迷字同音。百般虛假。將無作有。只要撮成索謝。不顧他人好友。凡說話止可畧聽三分。卽有七分。不足信也。一切事。都要自己確訪。全倚托不得。無義小人。不得已而與之往來。須要外和吾色。內平吾心。一言一動。都要存神。庶可免害。

人無遠慮。必有近憂。天下之事。未有不從算計而得者。是以不能算計之人。不但日後要受困苦熬煎。

目今先多失志矣。俗云。穿不窮。吃不窮。算計不到。一世窮。只要在本分上勤儉生活。切不可損人利己。刻薄謀害。以自己折算自己。福壽耳。

炎涼之態。當貴更甚於貧賤。妒忌之心。骨肉更甚於外人。此處若不當之以冷眼。御之以平氣。未有不日坐煩惱障中矣。從今日起。識破此情。落得胸中許多寬快。

孩童不可將小魚與食。因彼無知。自不能細心摘刺。

且又性急亂吞每每魚刺橫截咽喉不上不下哭
叫無救。是皆大人害之也。再如尖簪尖釘之類俱
不可與兒入手。一則恐其吞嚥。二則恐跌倒截傷
都成大害。

有兒之家。凡熱湯壺碗。以及刀斧利物。都要安放桌
裡穩處。不可放於桌邊案傍。恐小兒無知。伸手勾
耍爲害不小。又如火籠火爐。俱不可令小兒近傍。
河橋塘井。若無大人攜帶。亦不可令兒輕往。非尋

之迂言。實有因此而害命者。不可不防。

凡事無論大小。務須預先思量。停當臨時。卽以應點
自然都有着落。豈不便宜。若待事至再慮。心致慌
亂失悞。此予拙人之見。在能者可以不必。

凡說話行事。或有他人求教者。我雖能得十分。止當
謙應五分。到後行出多來。彼人自加敬悅。切不預
先滿口允諾。倘若行不踐言。非獨自己慚愧。且又
貽笑招怨。

人家清晨早起。卽淨掃廳堂。潔拭椅桌。衣帽整齊。有
賓客到來。卽熱茶奉敬。不獨交情聯洽。且而家門
輝耀。自然興旺之象。彼日照高卧。房屋塵積者。豈
非衰敗之兆。

早飯要早。中飯要飽。晚飯要少。此三句。是居家出外
養生却病之妙法。

早飯要早。每見人家。日照多高。主人或吃參湯補藥
或泡糕飲乳。而奴婢服役多時。尚是餓肚空心。更

有遣往冒風雨寒暑行走者。此皆不體貼人情之
所致也。要知空腹做事。風寒易冒。而病多由此。予
謂每日清晨。下床洗面之後。或粥或飯。合家飽食。
凡人腹中有食。則治事者有力。治事。出外者腹飽
出外。豈不大益。是以清晨早飯。斷不可遲。

人家三餐。俱宜早吃。早中既早。而晚食更不可遲。是
以每晚於日將落時。卽用完晚飯。少停一黑。卽照
管門戶。歸房安睡。要知早睡之益。計有六件。房中

厨下可免火災。一也。早睡則夜半容易醒覺。可防賊盜之偷竊。二也。無子弟博奕酣亂之患。三也。早睡則次日早起不致沉昏失曉。四也。省許多油燭之資。五也。不到黑晚則厨下鍋碗器物不致跌損。六也。遲睡者則反此六損矣。習熟幾日。卽成自然。揚俗衣服袖口并腿上滿襪。都作緊窄。不獨手之伸縮不便。且每日早晚穿脫費力。將極整新之袖襪。竟被扯破。此皆市井所爲。予剪製零寬。甚便。甚省。

聞前輩云。至富莫起屋。至貧莫棄田。要知起造房屋乃最難之事。其始初木瓦匠工。惟恐主人怕多費而不爲。則必省其物料。減其工價。誘令主人欣然樂從。及至半途。左虧右缺。種種增求。嘗有原估百金。竟倍用二百。尚不能完竣者。主人勢不容已。或借債以落成。或停止以傾廢。多有因此而破家蕩產。豈不失算之甚乎。謂心寬強如屋寬。必不得已。欲造房屋。須預先將木植磚瓦。漸次捐措。經營。

俱備。卽工匠之需。亦不取給於倉卒。方可爲之。至於田地。或是祖父所遺。或是自己續置。不知費幾許心力。而始至我手。乃糧食所出。養命之源。且傳流子孫。受用不盡。雖間遇水旱。究竟豐年居多。若無至急至大之事。切不可輕易典賣與人。予每見今人。一有爭鬪之詞訟。婚娶之奢華。以及可已可省之事。動將田地輕棄。及至後來生計艱難。再想追悔。已無及矣。前輩莫起莫棄之言。可爲至寶。

人到五十歲以外。六十歲以來。精神漸漸衰敗。非同少年可比。譬如日已將落。未來光陰。料亦有限。最長壽者。七八十而止。百歲翁。世能有幾。須將事業。漸次交付兒孫。未結之事。急當了結。偷閒安享。纔爲達者。予見今人。每每全不自量。年已半百。尚不服老。或有晝夜謀慮不止者。或有娶妾娛情者。或有求官者。或有起房造屋。買田置地而不休者。或有遠涉江湖。高登險峻。沐雨櫛風。塵埃滿面。丟妻

撒子而無定息者。吾不知巴巴汲汲。俟何時而後止。家擁餘資。顧何時而能享。始則拔白。既而烏鬚。目昏齒搖。腰灣面皺。猶然強說不老。兒孫自有兒孫福。枉代兒孫作馬牛之言。全若不聞。愚昧至此。真爲可憐。

佛乃西方大聖人也。其智慧高明。願力廣大。而且慈心普度。世人最當敬信者。今人讀書不多。見理不到。每每謗佛爲虛無寂滅之學。予曾註金剛經一

部。每部一百二十葉。專講般若妙法。空中真有實際。其說無相者。但教人去妄念而存天理。若併天理去了。豈不行屍走肉。世人不細究此理。只亂說佛是空寂。譬如宗廟之美。百官之富。彼門外人。何能得知。

今人每說僧人爲不耕而食。不織而衣。遊手好閒之徒。不可敬信。試問說者曰。世上不耕不織者極多。爾曾耕而食。織而衣乎。又說僧人勢利貪財。動好

募化試問說者曰。世上雖孩童。但有知識者。卽愛
銀錢。卽愛好衣好食。爾可果不趨炎赴勢。見銀錢
而不取乎。又說僧人。藉以佛教經懺。終日鏡鉢鐺
鈴。哄騙愚人銀錢。更有葷酒邪淫。種種作業。者所
以佛教不可信奉。試問說者曰。今之讀書儒士。品
行端方者。固有其人。亦有恃着文才好。以刀筆詐
人。好計害人。百般作惡。無所不爲。孔聖人原不曾
教讀書士子。以文字聰明。敗壞品行。豈可以敗行

之士。遂不敬奉吾夫子乎。要知各有賢愚。斷不可
因壹廢食。

人家婦女。只要老誠儉朴。凡女工中饋。俱要用心勤
謹。切不可令其識字。要知識字讀書。原是好事情。但
而今婦女。若能識字。凡聖賢書文。偏不喜看。只喜
看淫詞小說。雖貞烈者。尚且學壞。何況水性易惑。
反不如愚拙婦女之安分守己。所以說男子有德。
便是才。女子無才便是德。至於琴棋書畫。吹彈歌

舞。非吾輩常人所宜習學何用。

姦字是三女字合成。古人造字原有深義。要知婦女若與二三女伴私聚。以及同居同宿。就有壞事做出來。

凡赴筵席。以及見新親貴客。先要打點大小便。然後赴見。不可謂事小而厭予瑣碎。常有因恭急出神失儀者。卽登轎上馬。比皆先留意。

燈不滅。婦女莫解內衣。恐窗外有竊窺之人。

凡於匆忙急迫之時。若說諾行事。以反發書柬與人。定要細心檢點。多有因忙而錯誤者。後悔何反。凡說話行事。雖要認真。然亦不可認真太過。其可以圓活者。還須體順人情。通融轉動。所以前人有膽欲大。而心欲小。智欲圓。而行欲方之言。誠爲持己妙法。卽如直言無忌。動輒招尤。豈不是立身大害。與人交接。寧可過於謙恭。過於周旋。凡禮節疎畧。得罪於人。只是此心懶散所致。

初與人交往。未知其立心做事。生平品行如何。其言雖可聽。貌若可親。亦未可遽然相信。就以機密之事。心腹之言。吐露。倘或彼非正人。則禍根由此而伏矣。後悔何反。

譽人之言不可太溢。責人之言不可太盡。一時雖不陽意。日後亦無悔心。含蓄之妙。不可不知。

凡看人文章。論人行事。非最相知厚密者。不可太直。蓋既以形人之短。亦且恃己之長。皆招尤取侮之

道也。至於向人說話。毋論相知不相知。切不可任己之性。直說得太盡。

可以言。可以不言。就不言可也。不能行。不可不行。就行之可也。

人不可自恃。自恃以爲無患。則患至矣。是卽天道。惡盈而好謙也。所以當每事。不可不有臨深履薄之思。

與人共事。遇有錯誤。在彼不肯認過。互相爭執。所傷

必多。若能引咎自責。徐以一言解之。則識量過人。彼心愧服矣。俗云。自己認了不是。人再不好說你。自家倒在地上。人再不好跌你。乃最妙之法。人生稟質。大抵一定不移。與之說道理。未嘗不知。及至做事時。只依着自己性氣做去。全不改易。所以變化氣質。全從學問工夫得來。學問工夫。要從孩童時。便漸漸引入。纔得習與性成。若年長而自能變化。非好學者不能。

凡事初定議時。彼此發於真誠。尚恐後有變局。若有一毫勉強。他日必不踐言。所謂要盟無信者。此也。親友慶弔禮文。要及時往來。不可遺忘。失禮倘有缺失。不但受人指責。卽或有事聚會時。自己臉上。豈不慚愧。予賤性多忘。因自立拙法。用紅紙裁一單。畫爲十二月十二格。每月一行。每行分三層。上層填上十日事。中層填中十日事。下層填下十日事。凡親友壽日。以及婚喪慶弔往候諸事。預填於

每月格內粘面架之傍。每日洗面時。搥頭卽見。庶不致失禮。獲罪於人也。

富貴榮華。妻財子祿。皆從前世修積而得。假如前世不曾修積。則今世不應有享用矣。譬如春天不曾耕種。秋來從何收穫。自然之理。不知此因者。雖日日妄想。亦妄想不來。憂之思之。徒自損其精神耳。有何益哉。予每見世人。境界不如者。都不肯安分。終日戚戚。眉頭不展。妄求於人。則搖尾乞憐。寡廉

鮮恥。甚至妄作非爲。受辱遭禍。皆由於此。前人有云。貧不受人憐。然當今之時。誰爲憐者。况人情薄惡。處處相同。如向富貴人言之。奈富者多鄙吝。而貴者多倨傲。不但不能救濟。且多生厭薄之心。如向貧賤者言之。不過有同病之感。彼非輕財好義之人。欲其行分財周急之事。奈彼自顧不暇。何能顧人乎。所以君子。口不言貧。臨淵羨魚。不如歸而結網。須要自己立起志來。辛勤於本分事業。讀書

者。上緊讀書。貿易者。專心貿易。聽天由命。水到渠成。况春梅秋菊。各有其時。落得心中享許多快活。能依予言。卽爲世上最會討便宜之人。

人家子孫。誰不要聰明。予每見有聰明子孫。而不依教訓。任着己性。習學下流。勸之不醒。說之不改。其敗壞更甚於不聰明者。人家子孫。豈可不讀書。予每見有博學能文。而於根本上全不理會。其缺失更甚於不讀書者。前人有云。資質美。文貴。馴良。讀

書多。又須明理。真爲至言也。

凡理所不當爲之事。雖至親好友相託。宜力辭之。事成原未嘗謀其利。事不成亦不致受其過。凡非深交之人。不可以隱情密事相告。宜力認之。語不合。則無失言之羞。語卽合。亦不無事後之慮。以言感人。不若以行感人。言虛而行實也。欲使人見吾之善。不若使人不見吾之善。見則恐招人之忌。而不見則我自陰行其德也。

子弟初學。先令其明長幼之分。發孝弟之情。言動有儀。飲食有節。勿輕易打罵人。然後問其每日讀書功課。

子弟初學。先宜屬對。要知對書一部。其中字句。各有平仄上下。虛實死活。分門別類。若能細心熟記。不獨開發其聰明。日後文詞章句。學識見聞。大有廣博。所以好對書名之曰五總龜。因天下萬事萬物。但有所問。無不知曉也。豈可以淺學視之。

凡出外遠行。遇關津渡口。開壩行埠之處。切不可與之爭罵鬪毆。此皆土棍會聚之所。彼眾我寡。勢不相敵。小則受其侮慢。大則官司人命。暗地打劫。有誤程期。予每見不知者。往往犯此。害累不小。至於家人奴僕。出外比於在家。尤當照管。要恤其饑寒。節其勞苦。萬或致病。受累非常。若打罵不堪。生心離叛。尤多不測。

凡舟車脚價。其貴賤多寡。須當預爲訪問。臨給之時。

不可過爲爭論短少。蓋此輩辛力之資藉以養命多。有妻小家口。賴此生活。我一尅薄。旣壞自心。且又種怨於人。待之畧寬。頗得其力。又有不良之人。暗通盜賊者。安頓行李。最要謹密。

人之耳自心思。必有所用。不用於正。卽入於邪。若專好在沒要緊處着精神。則於要緊處反不照管矣。讀書治家做人。都是如此。何以謂沒要緊處。如好酒好色。結交遊蕩。看閒書。管閒事。音樂技藝。玩好。

畜養之類。皆是也。所以凡觀人者。只看其所好何事。其人之邪正可知矣。

凡見人家於廳堂。好華潔。其書房全不收拾。算盤帳簿。閒書戲具。與經書文藝混在一處。其人必讀書不成。亦有書房精潔。字畫几案。鋪設整齊。而讀書不成者。云何曰。他只是外面整齊。其胸中文義。全不理會。那得有成。

凡有苦志讀書。而不得科第者。必其隱行有虧也。有

未嘗用功而得科第者。必其命運本好也。有全無惡事而不得科第者。必其攻苦未深也。有作爲不善而得科第者。必其福墨本厚。未曾折盡也。若苦志讀書。又積陰德。縱命運不齊。斷無不中之理。此是讀書最驗良方。不可輕忽視之。要知福薄而讀書積德。天只限之以福分。不限之以科名。蓋有科名而少福分。仍與寒士無異也。寒士若望成名。宜以此自勵。

人家何以要好子孫。古來凶惡稱瞽鯀。他身爲天子之父。只爲生子好。大聖稱堯舜。他將天下讓與人。只爲生子不好。文王不生武王。焉有八百年基業。家國本是一理。若人家無好子孫。縱富貴。止不過一時。爲子孫不肯學好。雖堯舜亦難教訓。豈不危哉。堯舜非不教子。到底不能繼世。今人不想教子孫。遂說子孫好。不教自好。子孫不好。教亦無益。獨不聞孟母之三遷。漢朝之萬石乎。子曰。惟上智與

下愚不移。人家子孫。大抵中材者多。習於善則善。習於惡則惡。古來累世義門家稱禮法。非由於教訓耶。

人生在世。全要貴於自立。若只倚靠着父兄教訓。原不是好子弟。試看古今許多大聖大賢。何嘗是父兄教出來的。只爲子弟不才。不得不有望於賢父兄耳。

人家教子孫。只教得幼小之時。若到後來長大了。其

好與不好。全在自己爲持。但小時好。後來自己再學好。就極容易。若是小時不好。後來自己纔學好。未免甚難。所以教子孫於幼小之時。最爲要緊。

老子曰。不見可欲。而心不亂。予又曰。若見可欲。而心不亂者。非大聖人不能。蓋聖人主理一定。物欲不能搖惑。若在常人。因習見而未有不移亂者。譬如戒子孫賭博。乃家中賭具滿案。群聚輒賭。子孫焉得不習於賭耶。是以予父維石公。家教垂戒。不獨

牌骰不許存留於室。卽圍棋象棋雙陸牙牌之類。一槩不許置備。又一槩不許子孫入手入目。雖親友至舍飲聚。索之以消閒者。亦乞諸其隣。而與之。甫完卽返之於隣。不停時刻。惡子孫見而心爲之染亂也。所以愚弟兄四人自幼至今。從不知牌如何鬪。骰如何擲。圍棋象棋雙陸牙牌之類。如何纒爲輸贏。皆由不見不習而然也。要知孟母三遷。深爲可法。不但博奕一事。若嫖酗爭訟之種種。無不

如此。是人樂有賢父兄也。

以言勸人說人。先要顧自己行止。何如。果能自立於正。然後舉而示人。彼人未有不服從者。倘以己所不能者。以之說人。不但人不服從。且將得謗矣。譬如戒人賭博。以及教子孫不可賭博。乃極正之事也。倘若自己好賭不止。惟以空言勸戒他人。彼必曰。自己不正。焉能正人。乃將何辭以應之。凡事皆然。不獨賭博一事也。

予見府大堂某守懸扁額六字曰天理王法人情官
每坐堂治理政事舉目卽先見之爲此額者欲令
本官觸目警心審斷諸事必由此理法情三件而
行自然行之必當矣予謂不獨居官爲然凡持已
待人說話行事俱以此六字三語爲式自然所行
必當就是積陰德於冥冥之中矣
觀人於失意時言詞舉止絕無怨尤憤激之氣此卽
是大有學識者其度量過人遠矣。

胡安定曰嫁女必須勝吾家者勝吾家則女之事人
必欽必戒娶婦必須不若吾家者不若吾家則婦
之事舅姑必執婦道此前人之言也以予愚見論
之世人結婚當以其家父母子女之賢良爲主其
次只要門當戶對縱貧富貴賤不宜太過卽如我
今有女出嫁若選勝吾家者彼男家必以我爲有
意攀高凡一切禮節粧奩事事要從豐厚雖加甚
厚彼亦目爲該得倘稍有欠缺難免彼之欺凌譏

笑矣。假如諸事從厚。自必費我設措。甚屬無益。假如諸事從減。又恐啓人爭競。且與體面相關。進退兩難。世人每每攀其高門。與之結婚。皆未之思也。又如我今有兒娶婦。若選不若吾家者。我兒卽爲彼家之壻矣。我身卽爲彼家之親翁矣。我之後裔。與彼之後裔。世爲中表。倘其人係僕隸下賤之流。豈不大傷體面乎。世人每每貪其小利。與之結婚。皆未之思也。無論嫁女娶婦。莫不皆然。要知子女

之賢與不賢。全在其父母之教訓何如耳。原不關於家門之勝與不勝也。不察子女之賢與不賢。而徒以家門之勝與不勝是選。則高下懸殊。必致懊悔莫及。豈不皆由前人勝吾家。不若吾家。二語之所誤耶。但愧予之愚見。而妄議前賢之非。似不能無過焉。

前人云。男子三十而娶。女子二十而嫁。非如後人所解。三十而始娶。二十而始嫁之謂。蓋謂男子不可

過三十而不娶。女子不可過二十而不嫁也。要知男女至二三十歲。正當強壯之年。生育之時。過此以往。則精血漸衰。失其時矣。況且今世人情尖利。非復昔人之老誠朴實者可比。試看小小孩童。無事不曉。說話有似成人。何況年至成人。耶。予每見一等人。男女雖已長成。或因爭論財禮。或因較量有無。或指望手底寬餘。或只圖謀求名利。任意怱延婚期。莫卜。在男女羞澁。何能自言。日復一日。年

復一年。青春虛度。芳心難遏。必致暗裡醜事。無所不爲。貽父母之羞。玷辱家門。悔之何及。此雖子女之非爲。是亦父母害之也。予又見一等人。攀高性急。望後意殷。子女十四五歲。精血尚未充足。卽與完婚。大抵幼童無知。惟圖戲樂。不解節慾保身之道。真元旣損。必成虛病。漸至危篤。醫藥難治。因而夭死者極多。悔之何及。此雖子女之無知。是亦父母害之也。二遲一早。太過不及。其害均同。予因立

期無論男女。凡年至十八九歲。以及二十歲之內。人已長成。精血強壯。卽當及時婚配。內無怨女。外無曠夫。非獨宜室宜家。抑且遏淫正俗。世事之最要緊者。莫過於此。

近日婚嫁愆期。多因聘禮奩貲之艱難。要知親戚之誼。全在兩家相好。情投義合。所以結親。豈在於財帛之豐儉。而生較量哉。若女家專求厚聘。是以女身出賣得嫁矣。最爲可鄙。況且求得厚聘。必須從

厚賠嫁。財來財去。原物原還。更加多費已資。枉與爭論。甚是無益。若曰。體面攸關。予每見人家因女厚嫁。致令事業貧乏。家計消條。未免有計求人。若到消乏求人之時。有何體面乎。若是爲兒娶媳。只要新婦賢良。能敬公姑丈夫。能勤儉安靜。就可以內助成家。何必定要粧奩豐厚耶。若曰。新婦粧奩之豐厚。可以濟子之貧窮。要知人生貧富。各有前定之命。假如命該富厚者。雖無妻家帶來之財。亦

能富厚。假如命該貧窮者。雖有妻家帶來之財。亦必貧窮。予每見人家新婦。因粧奩豐厚。致啓賊盜之偷劫。天災之火燭。甚有自己作孽。嫖賭浪費。將粧奩盡化烏有而後已者。亦有女子恃有厚貲。目無公姑丈夫。放肆而不安分者。則厚奩有何益哉。予以爲凡有嫁娶。俱從儉朴。不可習學浮華。量力爲持。將來將去。兩家減省。早完兒女婚事。能依予言。省許多口舌。全許多親誼。免許多憂慮。樂矣哉。

爲兒孫定親。寧可男長於女。不可女長於男。要知女子年長。未免欺負夫男。且而陰盛陽衰。甚不合宜。但男之年長。只可長三五歲。再多不過十歲之內。若或太長。又不宜也。

富貴之家。每每老夫多娶少妾。或老而斷絃。仍娶幼女。只圖眼前歡樂。皆未曾想到後來境界耳。要知老人之精力。日漸衰敗。在少年婦女。青春正艾。若要遂其歡心。則將滅之燈。何堪頻去其油。必致疾

病叢生。身命隨喪。甚可畏也。若要遂其歡心。則女雖有夫。如同無夫。孤守活寡。誤害終身。日夕悲愁。怨歎於心。何安。甚可憐也。若要防閑太緊。則女必憂鬱生病。往往天死。豈不大損陰德。若要防閑稍寬。則種種醜事。皆由此起。豈不大辱家聲。要知老雖愛少。奈何少不愛老。憎惡之念一起。雖烈婦亦生心外向。何必貪一時之樂。而討無限之苦耶。世人只知選媳爲難。不知爲女選婿。更是難事。人家一有好子孫。見之者。未有不愛之。而欲以女妻之也。我若結婚稍遲。卽爲他人所得。豈不可惜。男先於女。雖是古禮。然坦腹東床之事。不可不早計也。定婚要早。但不可在孩提襁褓之時。卽與結婚。要知人事更變。滄桑不一。往往十數年間。卽人情事業大相懸殊。此時悔之何及。須是定婚之後。不過三五年。卽可完娶。自無更變之慮矣。且而年若太幼。言行之好。亦難察也。

俗云。會揀的揀兒郎。不會揀的揀田庄。但選壻之法。只要壻之賢能。不必過要家產富厚。予每見富貴之家。生出不肖子孫。未幾而消敗者。有之。所謂但得好兒郎。何愁無田庄者是也。

女生外向。既已適人。卽當令其奉事公姑。入贅一事。切不可行。夫贅者。贅也。如人身之有贅疣。去之不可。存之不便。極爲可惡。倘壻家直無依倚。不得不贅。亦當另住一宅。不得與本家閨闈相近。

人雖有尊卑貴賤之分。其男女愛慾原自相同。予每見今人於親生兒女。卽及時婚配。至於家人奴婢。年雖過長。亦膜不相關。大約爲家主者。喜用無夫之婢。恐其分情於夫。未免服事不專。殊不知天地生人有陰有陽。極細虫鳥。莫不配偶。爲人豈可逆天行事。况婢女之苦惱更甚。卽如婢女有能守者。但其穿房入戶。閨閣情事。焉得不知。每至風晨月夕。孤眠獨宿。枕冷衾寒。展轉不睡。愁歎終夜。怨氣

積於家庭大不祥也。又如婢女有不能守者舉止動靜百般撩人眉來眼去。暗裡佳期。私開門戶。偷盜衣物。拐帶逃走。甚至投旗做賊。設計謀害主人之身家。因而敗壞。大不利也。能守之婢。極爲可憐。不能守之婢。又極可恨。是皆主人不及時婚配之過也。予立拙法。凡婢女至二十歲內外。年已長成。有父母叔伯者。卽令其父母叔伯。自尋經紀小民。年歲相當。我爲察看。備贖身原價。領回完配。我

再量給嫁用。益鏡衣物。或於原價之內。削讓若干。更見長厚。如此做事。婢家之人。雖嫁有好友。亦自無言。日後婢亦無怨。但須防有不良之徒。串通婢家之人。多價另賣。須着人查訪確實。纔行。倘若婢家無人。我卽爲之擇配。得其身價。又可另買小婢。予家用三婢。俱是如此。其奴僕之誠實可用者。或配家用。或助配。另自營生。總之。奴婢旣於幼小之時。聽呼喚。勞苦服役於人。若待年已長成。豈可仍

令其苦役終身哉。一切衣食雖與親生兒女各有分別。其及時婚配不可或遲。此事大有陰德。且彼奴婢原非草木。自必感我恩惠而不忘矣。

親友中凡有兒女長大者。勸之諸事將就及時完娶。乃極大之陰德也。

相法謂六尺之身。不如一尺之面。假如身雖生得極好。若面部生得不好。亦不能富貴也。予又謂一尺之面。不如一寸之心。假如面雖生得極好。若心裡

不善。損人害人。將本來之福剝盡。決無好結果矣。路上行走。如欲小便。須要四邊一看。恐路上有婦女行走。或有婦女立於門口。即無人說。自覺不雅。

大小便切不可朝向日月。如郊野空濶處行走。須揀岸樹傍僻處便之。

出外遠行僱船。最要緊者有三件事。第一要看船戶好友。但見面目險惡。說話不悛者。皆不良之輩。亦有假裝柔順。然其奸狡之情。到底難掩。若誤上彼

船遭其欺侮爭長較短尚是小事甚有串通賊盜
裡應外合爲害不小第二要看船體新舊凡船外
面雖不過於朽壞且莫搬行李上船須親自上船
細看船裡各處船底有無漏濕船傍有無稀縫櫓
篷篙舵可曾整齊儘有船外好看而船內甚壞者
切不可催若誤上彼船行至中途黑夜水入艙內
衣物浸濕或遇風雨上下俱漏顧上失下尚是小
事甚有水多沉覆者爲害不小第三要揀同伴善

惡每有一等奸騙小人粧成老實客商哀求搭船
不知誤搭上船失脫財物尚是小事甚有代爲賊
盜引媒打探虛實指點處所黑夜招呼同助劫奪
爲害不小此三件專爲遠行二三百里之外者言
之若附近一日路程則不必過於揀選也

船戶水手以及騾馬車轎人夫須要強壯有力者不
時以好言婉待不時以酒食犒勞彼自用心竭力
服事於我矣若老弱衰病之人切不可用恐一遇

風波險峻之處。正當危急困難之際。不能用力。豈不悞事。亦有不躄勞苦。中途病倒者。豈不悞事。行船走馬。不可太早。須搭伴同行。晚間不可多走黑路。莫因貪趕路程。以致不到前站鎮集。悞事不小。出外行李衣物。不可過多。揀必用者。彙在一處繩索。須多用幾條。隨物捆縛。但予賤性多忘。因自立拙法。乃將被箱衣物等件。開一小單。帶隨身。上荷包內。凡出門時。照單點查一遍。上船下船。到寓處離

寓處。俱照單點查一遍。自無遺失找尋之事。

出外行囊箱籠中。如有銅錢鐵錫沉重器物。恐船戶同伴。疑爲金銀。甚是害事。須於上船到寓時。可假做查尋物件於箱籠內。逐一搬出。點看。令傍人知無金銀珍寶。可免許多疑心。

行船時。手膊不可搭放窗外。恐往來船過。擦損害事。夜晚間。如出恭。須喚醒同伴。若船頭出恭。須攀緊艙口。不可輕忽。

離船離寓時。雖行囊裝完。須四處一看。并床蓆下。船
底板下。俱一檢點。恐有遺忘之物也。

日用銀包內。只可放零碎銀幾錢。多至兩餘而止。用
完不妨再添。予每見有等人。放開銀包。大錠大塊
幾兩。自謂壯觀。殊不知最起小人之反意。其脫騙
偷詐。皆由此起。在家亦不可出外。更不可。

而今休去便休去。欲待了時無了時。此出世語也。予
謂出世之事。雖不容易。但不可不存此念。

